

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri.

Aningaasaqarnermut tunngasut

Imm. 02 Ikaarsaariarnermi ataatsimiititaliap 2008-mi missingersuutissai.

Imm. 03 Ikaarsaariarnermi ataatsimiititaliami ilaasortanut ataatsimiinnersiaqartitsinernut pikkorissarnernut, isumasioqatigiinnernut il.il. sulinikkut pissarsiassaraluanik annaasanut taartisiaqartitsisarnerit pillugit najoqqutassat.

Imm. 04 Nunaqarfinni Aqutsisut kattunnissaat pillugu isumasioqatigiinnissaq.

Suliassat nalinginnaasut

Imm. 05 Ikaasaariarnermi ataatsimiititaliami suleriaasissaatut siunnersuut – aappassaaneernerera.

Imm. 06 "Qeqqani kommunemi" ikaarsaariarnermi ataatsimiititaliami aqutsinermik ileqqoreqqusassatut siunnersuut - aappassaaneernerera.

Imm. 07 Kommuunerujussuup taaguutissaanik ilisarnaatissaanillu toqqaanissaq.

Imm. 08 Ikaarsaariarnermi Ataatsimiititaliap aningaasaqarnermullu ataatsimiititaliap 2008-mi ataatsimiiffissaat.

Sulisoqarnermut tunngasut

Imm. 09 Maniitsup Sisimiullu Kommuniini sulisut pillugit paasissutissiineq.

Imm. 10 Tamalaat.

**Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqarniliornera**

Ataatsimiinneq aallartippoq nal. 08.30

Peqataasut:

Atassut

Søren Alaafesen, Sisimiut
Karl Davidsen, Maniitsoq
Bitten Heilmann, Maniitsoq

Demokraatit

Palle Christiansen, Sisimiut

Inuit Ataqatigiit

Katrine Larsen Lennert, Sisimiut
Agathe Fontain, Sisimiut
Mimi Karlsen, Maniitsoq

Siumut

Hermann Berthelsen, Sisimiut
Karl Lyberth, Maniitsoq
Evelyn Frederiksen, Sisimiut
Alfred Olsen, Sisimiut
Efraim Olsen, Maniitsoq
Hans Frederik Olsen, Sisimiut
Morten Siegstad, Sisimiut

Nalunaaruteqarlutik peqataanngitsut:

Beate Poulsen, Maniitsoq (IA) – angallannermik peqquteqarluni

Nalunaaruteqaratik peqataanngitsut

Imm. 01 Oqaluuserisassat akuerineqarneri

Aalajangiineq

Imm. 06 kinguartinneqassaaq.

Oqaaserineqartut ilanngullugit oqaluuserisassat akuersissutigineqarput.

Imm. 02 Ikaarsaariarnermi ataatsimiititaliap 2008-mi missingersuutissai

Journalnr. 06.01.01

Tunuliaqtaq

Ikaarsaariarnermi aaatsimiititaliaq maajip 1-aniit decembarip 31-anut 2008-mi atuutissaq. Naalakkersuisut kommunit nutaat tamaasa ikaarsaariarnermi ataatsimiititaliaqarnissaannut 2 mio. koruuninik aningaaasaliiffigivai. Ingerlatsiviup, amerlanerussuteqartut arfinilinnik ataatsimiititaliaqarnissaa innersuussutigissagaat naatsorsuutigalugu, ikaarsaariarnermi ataatsimiititaliamut ingerlat-sinikkut missingersuutissaannik siunnersuusiorpoq.

Malittarisassatigut tunngavissat

Kommunini suliassaqarfiiit aaqqissuuteqqinnejnarerat pillugu Inatsisartut inatsisaat nr. 14 novembarip 19-ni 2007-imeersup § 12-ani aalajangersagaavoq, ikaarsaariarnermut ataatsimiititaliami ilaasortat communalbestyrelsit, nunaqarfinni aqutsisut il.il. pillugit Inatsisartut inatsisaanni § 17 aamma § 37, taamatullu communalbestyrelsintut nunaqarfinnilu aqutsisunut ilaasortanik il.il. kiisalu borgmesterinik borgmesterillu tulliinik akissarsiaqartitsineq pillugu Namminersornerullutik Oqartussat nalunaarutaat nr. 35 oktoberip 5-ini 2001-meersoq naapertorlugit akissarsiaqartinneqassasut.

Pissutsit atuuttut

Nalunaarutip nr. 35-imi oktoberip 5-ini 2001-meersumi aalajangigaavoq,

§ 1 communalbestyrelsimut ilaasortat

Kommunalbestyrelsimi ilaasortat ukiumut 37.500 koruuninik aalajangersimasumik akissarsiaqartin-neqassasut, kiisalu

Kommunalbestyrelsimi ilaasortat aningaaasaqarnermut ataatsimiititaliamut ataatsimiititaliamulluun-niit allamut ilaasortaajutigisut 75.000 koruuninik ukiumut akissarsiaqartinneqassallutik.

§ 3 ataatsimiititaliat siulittaasut

Kommunalbestyrelsip aalajangersinnaavaa, communalbestyrelsip ataatsimiititaliaani siulittaasut ilassutaasunik tunineqassasut.

Imm. 2. Kommunep ataatsimiititaliat siulittaasuut ilassutaasutut aningaaasartuutai annerpaamik ukiumut 220.000 koruuniussapput. Kommunalbestyrelsimi ilaasortaq ataatsimiititaliamut ataatsimut arlalinnulluunniit siulittaasusoq annerpaamik ukiumut 85.000 koruuninik pissarsisinnaavoq.

§§ 13, 14 aamma 15 Borgmesterinik borgmesterillu tulliinik akissarsiaqartitsineq

§ 13. Borgmesterip akissarsiassai communalbestyrelsip borgmesterip atuuffiata iluani atuuttussatut aalajangersartassavai.

§ 14. Akissarsiat annerpaamik annertussuseqarsinnaapput tjenestemandit akissaateqarfiiut, Ilinniagartuut Kattuffiat/Akademikernes Sammenslutning i Grønland (AS-G)-ip isumaqatigiissutaani akissaateqarfinni ataani taaneqartuni, tapisiat nalinginnaasut aamma feertiartarneq pillugu inatsisit malillugit immikkut feeriarnersiat ilanngullugit, makku malillugit:

Inuit nalunaarsorsimaffianni innuttaasut januaarip 1-ani allattorsimasut Akissaateqarfik

0-2.000 36

2.001- 5.000 37

5.001- 38

**Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqtarniliornera**

Imm. 2. Kommunalbestyrelsip aalajangersinnaavaa borgmesterit akissarsiai tapeqartinneqassasut annertussusissarititaasut, Kalaallit Nunaanni Kommuneqarfiiit Kattuffiata Naalakkersuisullu isumaqatigiissutaat malillugit imatut amerlassuseqartunik:

Inuit nalunaarsorsimaffianni innuttaasut januaarip 1-ani allattorsimasut	Aningaasartai
0 - 1.500	kr. 38.700
1.501 - 3.000	kr. 58.050
3.001 - 10.000	kr. 101.580
10.001 -	kr. 153.820

Imm. 3. Tapiliussat ukiumoortuupput 1. april 1991-imi aingaasat nalinginit tunngaveqarput, iluarsi neqartassallutilu piffissat aalajangersimasut atorlugit aammalu annertussusilerlugit tjenestemandi nut immikkut tapiliussat Ilinniagartuut Kattuffiat/ Akademikernes Sammenslutning i Grønland (AS-G)-ip isumaqatigiissutaat malillugu.

Imm. 4. Borgmesterip akissarsiai tunniunneqartassapput tjenestemandit qaammamusiallit akissarsiaasa tunniunneqartarnerattut Ilinniagallit Kattuffiat/ Akademikernes Sammenslutning i Grønland (AS-G)-ip isumaqatigiissutaat malillugu.

Imm. 5. Borgmesterit Naalakkersuisut akuersisimatinnagit akissarsiamik saniatigut kommunimi suliaritanut allanut akissarsiaqarsinnaanngillat.

§ 15. Borgmesterip tullii kommunini ataatsimik borgmesterimut tullilinni aamma kommunini borgmesterip tulliinik marlunnik peqarfili borgmesterip tullia siulleq communalbestyrelsip aalajangiineratigut ukiut tulliinut aningaasanut missingersuusiornermut atasumik aalajangersimsumik akissarsiaqartinneqarnissa aalajangerneqarsinnaavoq §§ 1-imiit 3-mut taaneqartuni akissarsiaritat saniatigut, annerpaamik borgmesterip akissarsiaasa 15 pct.-ianik.

Imm. 2. Borgmesterip tullia imm. 1 naapertorlugu aalajangersimasumik akissarsiaqanngitsoq akissarsisinneqarsinnaavoq piffissami borgmesteritut atuuffigisami, pineqartoq communalbestyrelimit peqquneqaruni aqutsinermik inatsimmi § 36, imm. 2 naapertorlugu borgmesterip suliai pisus-saaffiilu tamaasa isumageqqullugit.

Imm. 3. Imm. 2 malillugu aatsaat akissarsisitsisoqarsinnaavoq pineqartoq borgmesteritut taartaalluni atuussimappat qaammatisiutit ukiut malillugu ukiup ataatsip ingerlanerani katillugit amerlanerpaa-mik ulluni 15-ini.

Imm. 4. Imm. 3-mi aalajangersakkap saniatigut imm. 2 malillugu taartaalluni atuunnermi akissarsisitsisoqartassaaq maleruagassat AS-G-mi atorfinni akissarsiat pillugit maleruagassanut naapertuut-tut malillugit.

Oqarasuuatinut tapiissutit akit atuuttut 169,45 koruuniusut naapertorlugin ilaasortanut tunniunneqartarpoq tamatumalu saniatigut 113,88 koruunit ataatsimiititaliani siulittaasunut. Tamakku saniati-gut allaffissonermut atugassatut killiliussatut 20.000 koruunit immikkoortinneqartarlutik.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisinnaasai ingerlatsiviup naatsorsorpai, tamatumani ikaarsaariarnermi ataatsimiititaliaq akissarsiat annerpaaffissaannik ataatsimiititaliallu siulittaasuisa ataatsimiititaliani allani periutsit assigalugit akissarsiaqartitaanissaat, tassa 220.000 koruunit ataatsimiititaliani siulittaasusanut arfinilinnut agguarlugit, ukumut inummut ataatsimut 36.600 koruuninik tunineqarnis-saat naatsorsuutigalugu.

Akissarsiaqartitsinerup aningaasartuutilu allat aningaasaqarnikkut ataatsimut kingunerisinnaasai ilanngussaq 1-mi takuneqarsinnaapput.

Ingerlatsiviup naatsorsuutigivaa, ikaarsaariarnermi ataatsimiititaliap sulinikkut pissarsiassarulanik annaasanik taartisiaqartitsinermi 28.000 koruunit kontomit pikkorissarnermi akiliutinut atussagai.

Allatseqarfíup aningasaqarnermullu allatseqarfíup oqaaseqaataat

Ikaarsaariarnermi ataatsimiititaliamut aningaasartuutit missingersuusiorlugillu naatsorsuutiniut ikkutissapput Sisimiut Kommuneani missingersuutinut naatsorsuutinullu kontomi 10-01-04 ikaarsaariarnermi ataatsimiititaliamut ilanngutissapput. Taamatuttaaq Namminersornerullutik Oqartussanit utertitat Sisimiut Kommuneata naatsorsuutaanut isertitatut ikkutissapput immikkullu naatsorsuusiorneqarlutik.

Missingersuutini erseqqissarneqassaaq, ikaarsaariarnermi ataatsimiititaliap siulittaasua siumoortumik akissarsiaqartitaammat, kontolu qaammamusiat kingumoortuniit qaammamusianut siumoortunut kingumoortunullu iluarsineqassalluni.

Allaffeqarfíup naliliinera

Ingerlatsivik naliliivoq, ikaarsaariarnermi ataatsimiititaliap killiliussatut immikkoortitat 2 mio. koruuniusut naammattusaarnissaat ajornakusuussasoq. Taamaammat taperserlugu innersuussutigineqassaaq, angalanissat sapinngisamik tulliuttutut killilersimaarniarneqassasut, ataatsimiititaliaq aallarnisareeruni ataatsimiinnissami amerlanersaat iliuusissallu allat videokonference atorlugu ingerlanniassagai.

Ingerlatsivik Nunami namminermi pissutsinut allaffeqarfik attaveqarfifigivaa paasiniarlugu, akissarsiat tungaasigut borgmesterinik borgmesterillu tulliinik akissarsiaqartitsineq pillugu Namminersornerullutik Oqartussat nalunaarutaat nr. 35 oktoberip 5-ini 2001-meersup allannguuteqartinneratigut suut allannguutaassanersut naatsorsuutigineqassanersoq. Nunami namminermi pissutsinut allaffeqarfik apríilip 16-ni mail-ikkut akissuteqarpoq, massakkut tamakkunuuna paasissutissiisinnaangikkallarlutik.

Ingerlatsiviup nalilerpaa, ataatsimiititaliani siulittaasut akissarsiassaat ataatsimiititaliat akisussaaffii aalajangersaafffigineqareerpata aatsaat aalajangiiffiusariaqartut, taamaalilluni maajip 1-ani 2008-miit kingumoortumik iluarsiiffigisassanngorlugit.

Ikaarsaariarnermi Ataatsimiititaliami suliap suliarinera

Ikaarsaariarnermi Ataatsimiititaliap apríilip 24-ani 2008-mi ataatsimiinnermini suliaq suliarivaa.

Aningasaqarnermut ataatsimiititaliami suliap suliarinera

Aningasaqarnermut ataatsimiititaliap suliaq maajip 13-ani 2008-mi ataatsimiinnermini suliarivaa.

Innersuussut

Aningasaqarnermut ataatsimiititaliap innersuussutigissavaa, ikaarsaariarnermut ataatsimiititaliap 2008-mi missingersuutissatut siunnersuutaa tulliuttutut allanngortinnejassasoq

Akissarsiat kontoat qaammamusiat kingumoortuniit qaammamusianut siumoortunut kingumoortunullu allanngortinnejassasoq

Sulinikkut pissarsiassaraluanik annaasaqarnerit pikkorissarnermut kontomut ikkunneqartassasut

Aalajangiineq

Oqaaserineqartut ilanngullugit innersuussutigineqartut akuersissutigineqarput.

Ilanngussaq

1. Ikaarsaariarnermi ataatsimiititaliap 2008-mut missingersuutissaatut siunnersuut

**Imm. 03 Ikaarsaariarnermi ataatsimiititaliami ilaasortanut ataatsimiinnersiaqartitsinernut
pikkorissarnernut, isumasioqatigiinnernut il.il. sulinikkut pissarsiassaraluanik
annaasanut taartisiaqartitsisarnerit pillugit najoqqutassat**

Journalnr. 03.08.00

Tunuliaqtaq

Kommunipukkunersiuisui peqatigalugit ullumikkut Sisimiut Kommuneani allaffeqarfimmi sulisut Kommunalbestyrelsimi Ikaarsaariarnermilu ataatsimiititaliami ataatsimiinnersiaqartitsisarneq sulinikkullu pissarsiassaraluanik annasaqarnermi pissarsiaqarsinnaanermut tunngasut siunnersuusiorssimavaat. Kommunalbestyrelsiusimasup suliaq Ikaarsaariarnermi ataatsimiititaliamut isummerfigisassatut kinguartissimavaa.

Siunnersuusiaq KANUKOKA-mut tusarniutaasimavoq.

Maleruagassatigut tunngavissat

Kommunini suliassaqarfiiit aaqqissuuteqqinnejnarerat pillugu Inatsisartut inatsisaat nr. 14 novembarip 19-ni 2007-imeersup, § 12.

Kommunalbestyrelsit nunaqarfnnilu aqutsisut il.il. pillugit Inatsisartut inatsisaat nr. 20 novembarip 3-ani 1994-imeersumi § 17, imm. 3-kkut, allanngortinneqarsimasoq Inatsisartut inatsisaatigut nr. 6 juunip 12-ani 1995-imi aammalu aallanngortinneqaqqissimasoq Inatsisartut inatsisaatigut nr. 19, novembarip 20-ian 2006-imi (Aqutsinermi inatsit).

Kommunalbestyrelsinut nunaqarfnnilu aqutsisunut ilaasortanik il.il. kiisalu borgmesterinik borgmesterillu tulliinik akissarsiaqartitsineq pillugu Namminersornerullutik Oqartussat nalunaaruaat nr. 35. oktoberip 5-ini 2001-meersoq (Akissarsiaqartitsinermi nalunaarut).

Pissutsit atuuttut

Ikaarsaariarnermi ataatsimiititaliami politikkerit nutaat pikkorissartassammata ukiarulu missingersuusiornikkut isumasioqatigiittussaallutik, taamaattumik siunnersuut aningaasaqarnermut ataatsimiititaliamut isummerfigisassatut saqqummiunneqarpoq. Angalanerit politikkikut sulinermi piareersarnertut isigineqarmata taamaattumik akissarsianit aalajangersimasunik matussuserneqartussapput. Angalanermusiaqarnerli akissaatit nalinnginaasut atorlugit pissaaq. Angalanerulli isumasioqatiiginnissamik pikkorissarnermilluunniit siunertaqarpat, angalaneq najoqqutassamut ilaassapput.

Allaffeqafiulli maluginiaqqussavaa, aaqqissuusseqqinnermut kommunillu januaarip 1-ani 2009-mi kattunnissaannut atatillugu Namminersornerullutik Oqartussat communalbestyrelsit pillugit Inatsisartut inatsisissaat siunnersuusiornikuuaat, taasanilu, kommunerujussuarni communalbestyrelsimit ilaasortassat akissarsiassaat aalajangersimasut sumut tunngatitaaneri takuneqarsinnaalluni:

**”§ 16. Kommunalbestyrelsip ilaasortaanut aalajangersimasumik akissarsiaqartitsisoqassaaq.
Akissarsiaqartitsinermut ilaapput ilaasortat**

- a) *kommunalbestyrelsip taassumalu ataatsimiititaliaani kiisalu ataatsimiititaliani minnerni ataatsimeeqataanerit,*
- b) *kommunalbestyrelsimit qinersisoqareernerani kommunimut sullissinerit isumaginerannut atatillugu ataatsimiinnernut peqataanerit, immikkut akissarsiaqarneq pillugu malittarisassaq aalajangersagaavoq allamik toqqammaveqanngippat*
- c) *kommunalbestyrelsip piginnaatisineratigut communalbestyrelsimi imaluunniit aningaasaqarnermut ataatsimiititami pikkorissarnermut peqataanerit il.il., naqinnerni a-miittut b-miittullu suliarinerinut pingaaruteqartutut isigineqarpat,*

**Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqtarniliornera**

- d) isumasioqatigiinnernut peqataaneq,
- e) kukkunersiusut nalunaarutaasa saqqummiunneqarnerinut peqataaneq, tak. § 46,
- f) kommunalbestyrelsip imaluunniit taassuma ataatsimiititaliaanit qinnuteqartoqareereneratigut kommunimi sullissinermi erseqqarinnerusumik taaneqartut suliarineri aamma
- g) ataatsimiinnernut il.il. naqinnerni a-f-imi taaneqartunut atatillugu suliniutit allat suliarineri Borgmesteri akissarsiaqartinneqassaaq § 36 naapertorlugu.

Imm. 2. Kommunalbestyrelsi aalajangiisinhaavoq kommunalbestyrelsip ataani ataatsimiititaliani ataavartuni siulittaasunut ilassutaasumik akissarsiaqartitsisoqarnissamut.

Imm.. 3. Ataatsimiinnernut il.il. imm. 1-mi naqinnerni a-f-mi taaneqartuni kommunalbestyrelsip ilaasortaangikkaluarluni peqataasoq sulinikkut pissarsiassaagluaminik uppermarsaanikkut annaasaqartoq taarsiiffiqineqassasoq ataatsimiinnersiutinillu tunineqassasoq kommunalbestyrelsi aalajangiisinhaavoq.

Imm. 4. Siniisussaq kommunalbestyrelsiput isertinneqarallartoq piffissami kommunalbestyrelsimi ilaasortaaffimini, piffissarlu taanna sivikinnerpaamik qaamatnik marlunni sivisussuseqarpal aalajangersimasumik akissarsiaqartinneqassaaq. Tassunga naleqquttumik kommunalbestyrelsip ilaasortap tunuarallartup akissarsiassai aalajangersimasut ilanngaateqartinneqassapput pineqartoq sivikinnerpaamik qaamatni marlunni peqannigittussaappat.

Imm. 5. Kommunalbestyrelsip ilaasortaq ataatsimiititaliami ataavartumi sivikinnerpaamik qaamatni marlunni siulittaasugallartoq, imm. 2 naapertorlugu tapisiaqartinneqassaaq. Taamatuttaaq ataatsimiititaliami siulittaasup siulittaasutullu sulinngikkallartup tapisiai piffissamut naapertuuttumik ikilineqartassapput, taanna sivikinnerpaamik qaamatni marlunni najuussimanngikkuni.

Imm. 6. Kommunimut sullissilluni isumagisassat suliarinerannut atatillugu Naalakkersuisut najoqqutassatut aalajangersagaat naapertorlugit angerlarsimaffiup avataaniittussaalluni angalnermut uninnganermullu ajunngitsorsiaqartitsisoqarsinnaavoq.

Imm. 7. Naalakkersuisut aalajangersarsinnaavaat akissarsiat aalajangersimasut, ilassutitut akissarsiat, ataatsimiinnersiutit aamma sulinikkut pissarsiassaagaluit annaasat taarsisiutissartaasa angissusissaat aammaluu ajunngitsorsiaassat taakku tunniunneqartarnissaannut missingersuusiorneqartarnissaannullu maleruagassat erseqqinnerusut.

Imm. 8. Kinaluunniit pisussaavoq imm. 1-imut 6-imut aalajangersakkat naapertorlugit imminut pisassaritinneqartut tigunissaannut.”

Inatsit januaarip 1-ani 2009-mi atutilissaaq, aqutsinermilu inatsit 1994-imeersoq 1995-imeersoq kiisali 2006-imeersoq taarsissallugit.

Inatsisip atuutileruni kingunerissavaa, najoqqutassat ilanngussat atuukkunnaassasut, tassa akissarsiat najoqqutassami eqqartorneqartunut tamanut matussutissiissutaasalissammata.

Aningaasaqarnikkut allaffissornikkullu kingunerisinaasai

Ilaasortat pikkorissarnermut isumasioqatigiinnermulluunniit peqataasimaneranik immersugassaq allaffeqarfiup suliarissavaa.

Aningaasaqarnikkut malitsigisinaasai makkuussapput, ataatsimiinnersiaqarnersiut 400,00 koruuniusoq kiisali sulinikkut pissarsiassaraluanik annaasanut taartisiassaq 600,00 koruuniusoq, 600,00 koruuninillu annerusumik piumasaqartoqartillugu tamanna najoqquaasaq malillugu uppermarsaaserneqartassaaq.

**Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqtarniliornera**

Ikaarsaariarnermi ataatsimiititaliami ilaasortat politikkerit pikkorissarnissaat, isumasioqatigiinnissamullu peqataanissaat, imatut aningaasartaqartussaapput:

Politikkerit pikkorissarnerat:	14 x 1.000,00 kr	= 14.000,00 kr
<u>Missingersuusiornissami isumasioqatigiinneq=</u>	<u>14x 1.000,00 kr</u>	<u>= 14.000,00 kr</u>
Katillugit		= 28.000,00 kr

Aningaasat konto-miit uannga tiguneqarsinnaapput 10-01-04-00-05-04 Pikkorissarnerit.

Allatseqarfiup aningaasaqarnikkullu allatseqarfiup oqaaseqaataat
Immikkut oqaaseqaatitassaqanngilaq.

Allaffissornikkut naliliineq

Aqutsinermi inatsit nutaaq januaarip 1-ani 2009-mi atuutilissagaluarpuunniit taamatullu akissarsiaqarnermi nalunaarutissaq aamma piffissami tamatumani atuutilissagaluartoq, tassalu inatsikkut Najoqqtassanut toqqammavissat, allaffeqarfik isumaqarpooq, Ikaarsaariarnermi ataatsimiititaliami ilaasortat politikkikkut sulinerminnut atatillugu arlaatigut sukkulluunniit iliuuseqarnerni soorlu pikkorissarnertigut, isumasioqatigiinnertigut kiisalu allatigut peqataasarnissamini ullumikkut akissarsiaasut matussutissaqartinngisaasigut sapinngisamik annikinnerpaamik annaasaqartassasut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap suliaq maajip 13-ani 2008-mi ataatsimiinnermini suliarivaa.

Innersuussut

Aningaasaqarnermut ataasimiititaliap innersuussutigissavaa, najoqqtassatut siunnersuut iluarsiisutitalik Ikaarsaariarnermi ataatsimiititaliamit akuersissutigineqassasoq

Aalajangiineq

Oqaaserineqartut ilanngullugit innersuussutigineqartoq akuersissutigineqarpoq.

Ilanngussaq

1. Najoqqtassatut siunnersuut

Imm. 04 Nunaqarfinni Aqutsisut kattunnissaat pillugu isumasioqatigiinnissaq

Journalnr. 00.06.04

Tunuliaqtaq

Inatsisartut Aaqqissuusseqqinnissamut Ataatsimiititaliagarigallagaat isumaqarpoq, nunaqarfinni aqutsisut atatiinnarneqassappata Sumiiffinni Siulersuisut pisariaarutissasut. Immikkut Intasisiliap § 8-ni takuneqarsinnaavoq, ataatsimoorussamik nunaqarfinni aqutsisussanik qinersisoqassasoq, ataatsimoorussamillu nunaqarfinni aqutsisussat minnerpaamik kommunip pineqartup nunaqarfifi aqutsisunik marlunnik toqqammaveqassasut. Aammalu nunaqarfifi sorliit ataatsimoorussamik aqutsisoqarnissaat qassinillu ilaasortaqaqnissaat communalbestyrelsimit (Ikaarsaariarnermi ataatsimiititaliamit) aalajangiiffigineqassasut, taamatullu aalajangiinissaq 2008-p naannginnerani pissasoq, tassa apriilimi 2009-mi ataatsimoorussamik nunaqarfinni aqutsisussanik qinersisoqassammat. Taamatuttaaq inatsimmi takuneqarsinnaalluni, Naalakkersuisut ataatsimoorussamik nunaqarfinni aqutsisussanut tunngasutigut immikkut akuersissuteqarsinnaassasut, tassa nunaqarfifi avinngarusimasut inuttunerillu eqqarsaatigalugit.

Siunissami nunaqarfinni aqutsisunik isikkulersuinissaq ataatsimoorussamillu nunaqarfinni aqutsisussanut tunngasutigut isumasioqatigiinnermi oqallisigininnissamik kissaatigisaqartunit marluusunit saaffiginnissutit tiguneqarsimapput, tassalu Sarfannguani nunaqarfinni aqutsisuniit kiisalu Atammimmi nunaqarfinni aqutsisuniit.

Maleruagassatigut tunngavissaq

Kommunini suliassaqarfifi aaqqissuuteqqinnerat pillugu Inatsisartut inatsisaat nr. 14 novembarip 19-ni 2007-imeersoq, EM07-imik akuerineqartoq.

Pissutsit atuuttut

Politikkikku Aqutsisut siulittaasuata tullatalu kattussuunnissami siunnersorti peqatigalugu decembarimi 2007-imik taamatullu januaarimi 2008-mi nunaqarfinni tamani innuttaasunik ataatsimiititsarsimapput. Innuttaasunik ataatsimiisitsinerni ilaatigut aaqqissuusseqqinnermi nunaqarfinni aqutsisut kattunneqarnissaat pillugu paasissutissiissutigineqarpoq. Tamatumunnga qisuariaatit iluarismaarinninnerunerusimapput, ataasiakkaatigulli oqaaseqaatit ataatsimoorussamik siulersuisoqarlernissamut atatillugu apeqqusiinerusarsimallutik.

Maniitsumi Sisimiunilu communalbestyrelsit ataatsimoorlutik januaarip 30-ini 31-nilu 2008-mi ataatsimiinnerini Sarfannguit Itillillu, taamatullu Atammiup Napasullu, tamarmik immikkut tallimanik ilaasortaqaqfiusussanik, ataatsimoorussamik nunaqarfinni aqutsisoqarnissaannik siunnersuutit saqqummiunneqarnikuupput oqallisaanikuullutillu. Taamatuttaaq Kangaamiut Kangerlussuarlu tamarmik immikkut nunaqarfinni aqutsisoqartitaanissaat qinnutiginiarneqarluni, allanik kattuteqateqanngikkaluarlutik, tamarmillu immikkut pingasunik nunaqarfinni aqutsisutut ilaasortaqaqfiusussatut.

Kommunalbestyrelsit januaarip 30-ini 31-nilu 2008-mi ataatsimeeqatigiinneranni ataatsimoortumik nunaqarfimmi aqutsisoqalernissaannik siunnersuut matuma siuliani pineqartoq, Maniitsup Sisimiullu kommuuniini nunaqarfinni aqutsisunit oqallisigineqarnikuunngilaq, tassa Sarfannguit Itillillu taamaaqataanillu Atammiup Napasullu kattullutik nunaqarfinni aqutsisoqarnissaat. Nunaqarfinni aqutsisut pineqartut siunnersuutip oqallisiginissaanut periarfissinneqarsimannngillat, taamaasillunilu nunaqarfifi siunnersummut isumaat saqqummernikuunani.

**Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqtarniliornera**

Sarfanguani taamatullu Atammimmi nunaqarfinni aqutsisut saaffiginnissutaat innersuussutigalugit, Sisimiut Maniitsllu kommuunerujussuanngornissaanni nunaqarfii tamarmiullutik isumasioqatigiisinneqarnissaat kissaatigineqarpoq, tassa ataatsimoorussamik aqtsisoqarissamut tunngasut kiisalu nunaqarfinni aqutsisut pillugit.

Takuuk. Ikaarsaariarnermut ataatsimiititaliap inissitsiterluni ataatsimiinnermini ikaarsaariarnermut ataatsimiititaliamut 2008-mi missingersuutinut siunnersuut eqqartorpaa, tamatumani Naalakkesuisut ikaarsaariarnermut ataatsimiititaliap ingerlanneqarneranut kommunit nutaat tamaasa immikkut 2 mio. koruuninik aningaasaliiffiginikuullugit. Ingerlatsinermut missingersuutinut ingerlatsivik siunnersuummik suliaqarnikuuvooq. Siunnersuut oqaaseqaateqarfigineqarpoq, allaffeqarfiup naliliinerata ataani, Ikaarsaariarnermut ataatsimiititaliap aningaasaliissutaasut 2 mio. koruunit malitsinnissaat ajornartorsiutigissavaa, taamaasilluni aningaasaliissutaasut malinniarlugit angalasarnissat killilersimaartinneqarnissaat innersuussutigineqarpoq.

Taamaasilluni nunaqarfii ataatsimeersuartinneqarnissaannut aningaasartuutinut matussutissanik katillugit 100.000 koruninik annertussusilinnik qinnuteqartoqartariaqarpoq Sisimiut Maniitsllu kommuuniisa agguagassaannik.

Aningaasaqarnikkut allaffissornikkullu kingunerisinnaasai

Nunaqarfinni aqutsisunut ilaasortat angalanerinut, ineqarnerinut taamatullu ullormusiaqarnissaannut aningaasartuutissat Ikaarsaariarnissamut ataatsimiititaliamut aningaasartuutaanissaat naatsorsuutigineqarpoq, tassa Sisimiut Maniitsllu kommuuniini katillugit nunaqarfinni aqutsisunut ilaasortat 18-it.

Aningaasanut tunngasutigut periarfissat pingasuiupput, tassa isumasioqatigiisitsinissap sumi ingerlanneqarnissa apeqquaassalluni:

Sisimiut	:	88.873 kr.
Kangerlussuaq	:	112.887 kr.
Maniitsoq	:	74.956 kr.

Allaffeqarfiup naliliinera

Nunaqarfii ataatsimeersuartinneqassanersut Ikaarsaariarnermut ataatsimiititaliap isummerfigissagaa allaffeqarfiup nalilerpaa. Ikaarsaariarnermut ataatsimiititaliaq killilinnik aningaasaateqarmat, aningaasartuutaasinnaasut takkussinnaasut Maniitsup Sisimiullu kommuunissa matussusertariaqarpaat, Ikaarsaariarnermut ataatsimiititaliap nunaqarfii ataatsimeersuarnissaat akuersissutigissappassuk.

Innersuussut

Innersuussutigineqarpoq,

- Nunaqarfiiat ataatsimeersuartinnejarnissaannik qinnuteqaat Ikaarsaariarnermut ataatsimiititaliamit isummerfigineqassasoq,
- Nunaqarfiiat ataatsimeersuartinnejarnissaannik aaqqissuussisoqassasoq Ikaarsaariarnermut ataatsimiititaliap akuersissutigissappagu, suliap Maniitsup aamma Sisimiut Kommuniinut ingerlateqqinnejarnissaanut qinnutigineqassasoq nunaqarfiiat ataatsimeersuartinnejarnissaanut aningaasartutissat katillugit 100.000 koruunit matussuserneqarnissaanut qinnuteqarnissaq siunertaralugu.

Aalajangiineq

Oqaaserineqartut ilanngullugit innersuussutigineqartut akuersissutigineqarput.

Ilanngussat

1. Atammimmi nunaqarfimmi aqutsisut saaffiginnissutaat, februaarip 7-ini 2008-meersoq
2. Sarfannguani nunaqarfimmi aqutsisut saaffiginnissutaat, februaarip 12-ini 2008-meersoq

**Imm. 05 Ikaasaariarnermi ataatsimiititaliami suleriaasissaatut siunnersuut -
aappassaaneernerera**

Journalnr. 01.00.03

Tunuliaqutaq

Kommunini suliassaqarfiiit aaqqissuuteqqinnejnarerat pillugu Inatsisartut inatsisaat nr. 14 novembarip 19-ni 2007-imeersup § 10, imm. 1-a naapertorlugu Ikaarsaariarnermi ataatsimiititaliap kommunemut kattuttumut aqutsinermi ileqqoreqqusassaq suleriaasissarlu communalbestyrelsit, nunaqarfinni aqutsisut il.il. pillugit Inatsisartut inatsisaanni § 2 malillugu suliarissavai.

Siunnersuut saqqumiunneqartoq, annertunertigut nalinginnaasumik suleriaasissamut naapertortuuvoq, tassa Namminersornerullutik Oqartussat nassiuissaat Sisimiut Kommuneanut naleqqussarlugu.

Suleriaasissat Ikaarsaariarnermut ataatsimiititaliamut aalajangiiffissatut ingerlatinneqartussaavoq, tassanilu marloriarlugu suliarineqassalluni.

Ikaarsaariarnermi ataatsimiititaliap siullermeelugu suleriarinnereerneratigut siunnersuutigineqassaaq, aappassaaniinnginnerani suliaq aningaasaqarnermut ataatsimiititaliamut ingerlatinneqassasoq.

Maleruagassatigut tunngavik

Kommunini suliassaqarfiiit aaqqissuuteqqinnejnarerat pillugu Inatsisartut inatsisaat nr. 14, 19. november 2007-imeersup § 10-ani imm. 1.

Inatsisartut inatsisaat nr. 20 novembarip 3-ani 1994-imeersoq, communalbestyrelsit, nunaqarfinni aqutsisut il.il. pillugit inatsisartut inatsisaatigut nr. 6 juunip 12-ni 1995-imeersukkut § 2-mi, imm.3-kkut allanngortinneqartoq.

Allaffeqarfip innersuussutaa

Suleriaasissatut nutaatut siunnersuutip ikaarsaariarnermi ataatsimiititaliami siullermeerneqarnissaa innersuussutigineqassaaq, suliallu ikaarsaariarnermi ataatsimiititaliami aappassaaneerneqannginnerani aningaasaqarnermut ataatsimiititaliamut ingerlatinneqarnissaa siunnersuutigalugu.

Ikaarsaariarnermi Ataatsimiititaliami suliap suliarinera

Ikaarsaariarnermi Ataatsimiititaliap aprilip 24-ani 2008-mi ataatsimiinnermini allaffeqarfip innersuussutaa akuersissutigivaa.

Allaffeqarfip matuma kingorna suleriaasissat atuaqqissaarsimavai, naqinnerluinerillu aaqqissimallugit taamatullu kalaallisuuata § 4-ni imm. 3-p oqaasertai tulluarsarlugit. Qallunaatuuan § 14, imm. 2-mi "aalajangiinerit imaqtarniliornerini" ilanngunneqarpoq. Tamakku saniatigut kalaallisuuani oqaaseq Aqutsinissamut inatsisip namminersornerullutik oqartussani nalinginnaasutut atugaasumut aqutsinermi inatsimmut naapertuuttunngorneqarluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap suliaq maajip 13-ani 2008-mi ataatsimiinnermini suliarivaa.

Innersuussut

Aningasaqarnermut ataatsimiititaliap innersuussutigissavai suleriaasissat Ikaarsaariarnermi Ataasimiititaliamut akureqqullugit.

Aalajangiineq

Innersuussutigineqartoq akuersissutigineqarpoq.

Ilanngussaq

1. Ikaarsaariarnermi ataatsimiititaliap suleriaasissaatut siunnersuut

**Imm. 06 "Qeqqani kommunemi" ikaarsaariarnermi ataatsimiititaliamit aqutsinermik
ileqqoreqqusassatut siunnersuut - aappassaaneerneraner**

Journalnr. 01.00.01

Tunuliaqtaq

Kommunini suliassaqarfiiit aaqqissuuteqqinnejnarerat pillugu Inatsisartut inatsisaat nr. 14 novembarip 19-ni 2007-imeersup § 10, imm. 1-a naapertorlugu Ikaarsaariarnermi ataatsimiititaliap kommunemut kattuttumut aqutsinermi ileqqoreqqusassaq suleriaasissarlu communalbestyrelsit, nunaqarfinni aqutsisut il.il. pillugit Inatsisartut inatsisaanni § 2 malillugu suliarissavai.

Kommunalbestyrelsit, numaqarfimmi aqutsisut il.il. pillugit inatsisip § 2, imm. 1-ani takuneqarsinnaavoq: "Kommunit aqunneqarnerat pillugu malittarisassat erseqqinnerusut aalajangersarneqassapput aqutsinissamik ileqqoreqqusami communalbestyrelsimit akuerineqarsimasumi. Aqutsinissamik ileqqoreqqusassamut aammalu ileqqoreqqusami allannguutissatut siunnersuutit communalbestyrelsimi marloriarlugit ataatsimiissutigineqassapput sivikinnerpaamik ullunik 14-inik akunnequteqartunik".

Maleruagassatigut tunngavissat

Kommunini suliassaqarfiiit aaqqissuuteqqinnejnarerat pillugu Inatsisartut inatsisaat nr. 14, 19. november 2007-imeersumi § 10-mi imm. 1.

Kommunalbestyrelsit, nunaqarfinni aqutsisut il.il.pillugit inatsisartut inatsisaat nr. 20, 3. november 1994-imeersoq, Kommunalbestyrelsit, nunaqarfinni aqutsisut il.il.pillugit inatsisartut inatsisaatigut nr. 6-ikkut, 1995-imi juunip 12-ianeersukkut allanngortinneqartumi § 2-mi imm. 3.

Pissutsit atuuttut

Ukiup matuma naanissaata tungaanut maannakkut communalbestyrelsiusup nunaqarfinni aqutsisut ingerlannejnarernut suli akisussaasuummata, nunaqarfimmi aqutsisut ukioq manna ilanngunneqanngillat. Ikaarsaariarnermi ataatsimiititaliaq ukiup naanerani atuukkunnaarluni 2009-mi januaarip aallaqqaataani communalbestyrelsinnigorpat, nunaqarfimmi aqutsisut ilanngullugit nutaamik aqutsinermi ileqqoreqqusaliortoqassaaq.

Allaffeqarfiiup innersuussutaa

Aqutsinermi inatsisissatut siunnersuut ikaarsaariarnermi ataatsimiititaliamit siullermeertumik suliarineqarnissaa innersuussutigineqarpoq, matumanilu siunnersuutigineqarluni ikaarsaariarnermi ataatsimiititaliamit aappassaanik suliarineqarnissaa sioqqullugu aningasaqarnermut ataatsimiititaliamut suliassanngorlugu ingerlateqqinnejnassasoq.

Ikaarsaariarnermi Ataatsimiititaliamit suliap suliarinera

Ikaarsaariarnermi Ataatsimiititaliap aprilip 24-ani 2008-mi ataatsimiinnermini allaffeqarfiiup innersuussutaa akuersissutigivaa.

Aningasaqarnermut ataatsimiititaliamit suliap suliarinera

Aningasaqarnermut ataatsimiititaliap suliaq maajip 13-ani 2008-mi ataatsimiinnermini suliarivaa.

Innersuussut

Aningasaqarnermut ataatsimiititaliap innersuussutigissavai.aqtsinikkut ileqqoreqqusat Ikaarsaa-riarnermi Atasimiititaliamut akuereqqullugit.

Aalajangiineq

Kinguartinneqarpoq.

Ilanngussaq

1. Qeqqani kommunemi ikaarsaariarnermi ataatsimiititaliami aqtsinermi ileqqoreqqusassatut siunnersuut

Imm. 07 Kommuunerujussuup taaguutissaanik ilisarnaatissaanillu toqqaanissaq

Journalnr. 00.20/00.21

Tunuliaqtaq

Kommunini suliassaqarfuit aaqqissuuteqqinnejnarerat pillugu Inatsisartut inatsisaat nr. 14, 19. november 2007-imeersoq naapertorlugu, Ikaarsaariarnermi ataatsimiititaliap kommuunerujussuup taaguutissaa ilisarnaatissaalu kingusinnerpaamik aggustip 1-ni 2008-mi aalajangiiffigissavai.

Sisimiut Maniitsullu kommuuniisa kattunnissaanni politikkikkut aqutsisut kommuunerujussuup taaguutissaanik ilisarnaatissaanillu suliat 2007-ip ukioriartarnerani kiisalu 2008-p ukuani/ upernaavani ingerlassimavai. Januaarip 30-ni 2008-mi Politikkikkut aqutsisut kommuunerujussuup taaguutissaanik ilisarnaatissaanillu unammisitsineq aallartippaat. Unammisitsinerlu 2008-mi februuarip naanerata tungaanut ingerlanneqarluni.

Kommunimi nutaami kommunip taaguutissaa ilisarnaatissaalu ataatsimoornissamut ataatsimullu kinaassuseqalernissamut kajumissaataassaaq, tassa taakkua avataaniit isigineqarnissami kommu-nillu nutaap nittarsaannerani qitiulluinnartumik inisisimasussaagamik.

Kommunip taaguutissaatut ilisarnaatissaatullu siunnersuutit Ikaarsaariarnermi ataatsimiititaliap nalinginnaasumik ataatsimiinnissaani siullermi maajip 20-ni 2008-mi saqqumiunneqassapput. Ikaarsaariarnermi ataatsimiititaliap siunnersuutit pillugit aalajangiinissami piffissaqangaatsiartinne-qartariaqarpoq, taamaalilluni aatsaat Ikaarsaariarnermi ataatsimiititaliap aalajangiinissaa junimi 2008-mi ataatsimiinnissaani pisariaqassalluni.

Maleruagassatigut tunngavissaq

Kommunini suliassaqarfuit aaqqissuuteqqinnejnarerat pillugu Inatsisartut inatsisaat nr. 14, 19. november 2007-imeersoq.

Pissutsit atuuttut

Ullumikkut Sisimiut Maniitsullu kommunii tamarmik immikkut taaguuteqarlutillu ilisarnaateqarput, taakkulu taaguummik ilisarnaammillu nutaamik taarserneqartussaallutik. Taaguutimmi ilisarnaatillu taakku januaarip 1-ani 2009-mi atuukkunnaartussaapput, tassa nutaamik taaguuteqalerlunilu ilisarnaateqalernissami.

Kommunip katillugit taaguutissaatut siunnersuutit 164-it kiisalu ilisarnaatissaatut siunnersuutit 75-it tiguneqarsimapput. Taakkuninnga kommunip taaguutissatut siunnersuutit 12-it kiisalu ilisarnaatis-satut siunnersuutit 20-it Politikkikkut aqutsisut Ikaarsaariarnermi ataatsimiititaliamut qinigassatut ingerlateeqqippaat.

Ikaarsaariarnermi ataatsimiititaliap ilisarnaatissamik toqqaareeriarpal, taanna nalunaarsugassatut Patent- aamma Varemärkestyrelsimut ingerlatinneqassaaq. Kommunip ilisarnaatissa ilisariumi-nartunngorlugu qalipaaserlugulu suliarineqassaaq, tassa titartagaq piuminartuullunilu ajornaatsumik qalipaatilik. Ikaarsaariarnermi ataatsimiititaliap kommunip taaguutissaa aalajangiiffigeriarpagu, taanna Namminersornerullutik Oqartussanut akuerisassatut ingerlateeqqinnejnassaaq.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinnaasai massakkut ilisimaneqanngillat.

Allateqarfíup aningaasaqarnermullu allatseqarfíup oqaaseqaataat
Immikkut oqaaseqaatitassaqanngilaq.

Allaffeqarfíup naliliinera

Allaffeqarfík isumaqarpoq, Ikaarsaariarnermi ataatsimiititaliaq kommunip taaguutissaanik ilisarnaatissaanillu aalajangiussiniareeriarpát, taakku Namminersornerullutik Oqartussanut kiisalu Patent- Varemærkestyrelsemut ingerlatinneqassasut.

Innersuussut

Politikkikkut aqutsisut kommunimi taaguutissaatut ilisarnaatissaatullu toqqakkat Ikaarsaariarnermi ataatsimiititaliamut ingerlateqqitassaatut taamatullu Ikaarsaariarnermi ataatsimiititaliap tullianik juunimi ataatsimiinnissamini inaarutaasumik aalajangiiffigissagai innersuussutgissavaat.

Aalajangiineq

Taasinermi innersuussutigineqartoq akuersissutigineqarpoq.
13-it akuersisut (Atassut, Siumut, Inuit Ataqatigiit, Demokraatit)

1 akerliusooq (Morten Siegstad)

1 najuutinngilaq (Beathe Poulsen)

Morten Siegstadip ikinnerussuteqarluni oqaaseqaataa:

Siunnersuutit piukkunnassusii killeqarmata siunnersuutigaa unammisitsinerup sivitsorneqarnissaa. Siunnersuutigineqarsimasut takunissaat kissaatigaa.

Ilannngussaq

1. Kommuunerujussuup taaguutissaatut siunnersuutit
2. Kommuunerujussuup ilisarnaatissaatut siunnersuutit

Imm. 08 Ikaarsaariarnermi Ataatsimiititaliap aningasaqarnermullu ataatsimiititaliap 2008-mi ataatsimiiffissaat

Journalnr. 01.01.01

2008-p sinneranut ataatsimiiffissatut pilersaarutissat ikaarsaariarnermi ataatsimiititaliamut siunnersuutit.

Innersuussut

Ikaarsaariarnermut ataatsimiititaliamut innersuussutigineqassaaq, ataatsimiinnissat pisussallu allat tulliuttutut pinissaat akuersissutigissaga.

Økonomiudvalget	Ikaarsaariarnermi Ataatsimiititaliap
13. maj	20. maj
12. august	21. maj 2008 Ikaarsaariarnermi Ataatsimiititaliamut ilasortat nutaat pikkorissarnissaat
4. september	Sap.ak. 23 aamma 24. 6.-13. juni. 10. juni kommunerujussuup atissaa ilisarnaatissaalu akuersissutigineri. Sisimiuni Maniitsumilu nunaqarfinnut tamanut angalanissaq (Sisimiuniit aallarluni)
2. oktober	25. august
6. november	18. september. Aningaasartuutissanut missingersersuusiorneq
1. december	17. oktober
	20. november

Aalajangiineq

Innersuussutigineqartut akuersissutigineqarput.

Ilanngussaq

1. 2008-imut qaammatisiutit
2. Maniitsumi KB aamma ØU-p ataatsimiiffissai
3. Sisimiuni KB aamma ØU-p ataatsimiiffissai

Imm. 09 Maniitsup Sisimiullu Kommuniini sulisut pillugit paasissutissiineq

Journalnr. 03.00

Tunuliaqtaq

Kommunini suliassaqarfuit aaqqissuuteqqinnejnarerat pillugu Inatsisartut inatsisaat nr. 14 novembarip 19-ni 2007-imeersup (aaqqissusseqqinnermi inatsit) § 20, imm. 3-ani takuneqarsinnaavoq: "Kommuniusimasuni atorfiiut nutaat pilersinneqartut inuttaleqqinnejartullu piffissami 1. maj 2008-miit 31. december 2008-mut Ikaarsaariarnermi Ataatsimiititaliamit sioqqutsisumik akuersissutigineqarsimanissaat piumasaqaataavoq."

Pissutsit atuuttut

Maniitsup Sisimiullu kommunii 2008-mut missingersuutiminni sulisussat amerlassusissaat akuersis-sutiginikuuaat. Maniitsup kommuneani aningaasaqarnermut ataatsimiititaliaq suliersussat tamaasa akuersissutigisarpai, Sisimiullu kommuneani pisortat qulliunerusuinnaat aningaasaqarnermut ataatsimiititaliamit aalajagiiffigineqartarlutik, taamaattorli ingerlaavartumik sulisunut tunngasutigut ataatsimiinnermini tamatigut paasissutissinnejartarluni.

Aaqqissusseqqinnermi inatsit naapertorlugu atorfinnik nutaanik pilersitsinissami atorfinitteqqinnisanilu ikaarsaariarnermi ataatsimiititaliap akuersereersimanissa piumasaqaataavoq.

Sisimiut kommuneani sulisut taarseraattorujussuupput, illuatungaatigulli Maniitsumi sulisut ataavartuunerullutik.

Aningaasaqarnikkut allaffissornikkullu kingunerisinnaasai

Siunissami atorfiiut inuttaleqqinnissaanni akuersereersimanissamik piumasaqarnerup kingunerissaava, atorfippaalluit piffissami sivisumi taartaagallartunik inuttaqartittarnissaat atorfiiillu allagar-siunnissaat utaqquinarsissusaalluni. Aningaasaqarnikkut kingunerisinnaasaat massakkut ilisimane-qanngilaq, oqaatigisariaqaporli atorfiiut inuttaqartinneqanngitsut taartaagallartunik inuttalerneqartariaqartassammata.

Allatseqarfiup aningaasaqarnikkullu allatseqarfiup oqaaseqaataat

Allatseqarfiup ilalerlugu innersuussutigissavaa, atorfiiut massakkut kommunalbestyrelsiusunit akuersissutaareersut kommuneni marluusuni massakkumut allaffeqarfinnit ima ingerlannejassasut, akuer-sissutigineqareernissaq ikaarsaariarnermi ataatsimiititaliap siulittaasuanit piniarneqartassasoq, pisariaqanngitsumik allagarsiusinissami utaqquinissat ingalassimaarniarlugit. Atorfinnik nutaanik pilersitsinermi ikaarsaarianermi ataatsimiititaliap akuersereersimanissa isumagineqartassaaq.

Allaffeqarfiup naliliinera

Allaffeqarfik isumaqarpoq, atorfiiut inuttaqanngitsut allagarsiunissaanni akuersissuteqareersimanissap pissarsiariniarnissaani allaffissornermik annertuumik kinguneqassasoq, tassa allagarsiussinissami ikaarsaariarnermi ataatsimiititaliap aningaasaqarnermut ataatsimiititaliaata akuersissuteqareersimanissa ikaarsaariarnermullu ataatsimiititaliamut innersuussuteqarsimanissa piumasaqaataassamat. Allaffeqarfik isumaqarpoq, massakkut Maniitsumi Sisimiunilu allaffeqarfiiut sulisussat amerlassusissaannik akuersissutaareersut naapertorlugin ikaarsaariarnermilu ataatsimiititaliap akuersissuteqareersimanissa siulittaasuanit pineqareersimappat pitsaanerussasoq, Ikaarsaariarnermilu ataatsimiititaliap aningaasaqarnermut ataatsimiititalia ikaarsaariarnermilu ataatsimiititaliaq sulisunut tunngasutigut ataatsimiinnerit tamaasa paasissutissinnejartarlutik.

Innersuussut

Allaffeqarfiup Ikaarsaariarnermi ataatsimiittitaliamut akuereqquullugit innersuussutigissavai:

- Atorfiiut inuttaqanngitsut eqqarsaatigalugit sulisussarsiorermik allagarsiussinissamik pisinnatitaaffik, ikaarsaariarnermi ataatsimiittitaliap siulittaasuanut sulisussat amerlassusissaasa allattorsimaffiat naapertorlugu akuersissuteqarsinnaanissaa tunniunneqassasoq
- Maniitsumi Sisimiullu kommuniini sulisussat amerlassusissaasa allattorsimaffii paasissutisatut tiguneqassasut

Aalajangiineq

Innersuussutigineqartut akuersissutigineqarput.

Ilannngussat

1. Maniitsup kommuneani sulisussat amerlassusiisa allattorsimaffiat atuuttoq
2. Sisimiut kommuneani sulisussat amerlassusiisa allattorsimaffiat atuuttoq

Imm. 10 Tamalaat

Karl Davidsenip kajumissaarutigaa ileqqorissaarneq eqqarsaatigalugu ataatsimiinnerni mobilit qaminneqartarnissaat.

Morten Siegstadip nerriviit iluarsineqarnissaat kissaatigaa.

Palle Christiansenip ataatsimiittarfimmi qarasaasianik iluarsiissuteqartoqarnissaanut apeqquteqaataa siulittaasumit nassuaateqarfigineqarpoq.

Ataatsimiinneq naammassivoq nal. 09:34